



Broj: 21-04/2-15-269-316  
Sarajevo, 09.10.2020. godine

Bosna i Hercegovina  
Federacija Bosne i Hercegovine  
SKUPŠTINA KANTONA SARAJEVO

- *n/r predsjedavajućeg Skupštine Kantona Sarajevo -  
dr. Mirza Čelik*

**Predmet:** Odgovor na zastupničko pitanje zastupnice Danijele Kristić, dostavlja se;

Zastupnica Danijela Kristić, na 29. Radnoj sjednici Skupštine Kantona Sarajevo, održanoj dana 28.09.2020. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je Kantonalnoj agenciji za privatizaciju zastupničko pitanje:

**„Obzirom da je Kanton Sarajevo platio hipoteku u iznosu od 2.500.000,00 KM za prostor u ulici Ferhadija u Sarajevu u vlasništvu firme Projekt d.d., molimo Vas za informaciju ko sada upravlja tom zgradom i kakvi su planovi vezani za tu zgradu“.**

Odgovor na zastupničko pitanje:

Dana 28.06.2019.godine pred Kantonalnim sudom u Sarajevu je zaključena sudska nagodba kojom se Kanton Sarajevo obavezao da izvrši jednokratnu uplatu iznosa od 2.500.000,00 KM i time je riješen spor u postupku po tužbi tužitelja INTESA SANPAOLO BANKA Bosna i Hercegovina d.d. protiv tuženih Kantonalne agencije za privatizaciju Sarajevo i Kantona Sarajevo, radi povrata kupoprodajne cijene koju je tužitelj uplatio po osnovu kupljenog državnog kapitala preduzeća „Projekt“ d.d. Sarajevo, a koji postupak privatizacije je poništen (poništena odluka o izboru najpovoljnijeg ponuđača i rješenje o odobravanju upisa u sudski registar izvršene privatizacije). Sudska nagodba je zaključena na osnovu potrebnih ovlasti za zaključenje sudske nagodbe i Zaključka Vlade Kantona Sarajevo broj: 02-05-25802-20/19 od 27.06.2019.godine.

Vlada Kantona Sarajevo je, na 30. sjednici održanoj 18.07.2019. godine, donijela Odluku o dopuni Odluke o utvrđivanju Liste privrednih društava kojima upravlja ili u čijem upravljanju učestvuje Kanton Sarajevo („Službene novine KS“, broj: 31/19), kojom je na Listu dodala privredno društvo „Projekt“ d.d. Sarajevo. Nakon vraćanja preduzeća na Listu društava kojim upravlja Kanton Sarajevo, postupak imenovanja upravljačkih tijela u preduzeću „Projekt“ d.d. Sarajevo je u nadležnosti resornog ministarstva. Imenovanje upravljačkih tijela je preduslov za



izradu novog Programa privatizacije i početnog bilansa, odnosno ponovnog pokretanja procesa privatizacije državnog kapitala u preduzeću „Projekt“ d.d. Sarajevo.

*S poštovanjem,*



**DIREKTOR**

**Sead Hodžić, dipl. oec.**

Dostaviti:

- Naslovu
- a/a